

## Transkription von Urkunde DAN 1456b

Ort, Datierung: Danzig, 1456-03-22

Signatur: Stadtarchiv Danzig, 300, D, 59, 5

Inhalt: Rat der Stadt Danzig: Pfandbestätigung

---

Wÿ herman Stargard Bürgermeister Dirck oldefeldt Vnd Tideman langebeke der stat danczik /  
Bekennen vor vns vnd vnse nahkomelinge apembar mit dissem vnsern apenen breffe alle vnd iczliken  
dee / en zeen effte horen leszen dat vns dat puwczkerampt vor soszduwszent vieffhundirt m(ar)gk  
prusch geringes geldes / is vorsettet allic(er) vrbar darsöluest gefallende togebruwken betsolange vns  
solke vorbenomede houetsu(m)ma volkome / licken is betalet vnd weddergekeret Nah lude des breffes  
vns van dem Grotmechtigen herr(e)n Johann van Baÿszen / diss(e)r lande preueszen Guvernatori vnd  
der stat Thoruñ gegeuē vnd vorsegilt des so hebben wie hermann / Stargardt dirck oldefeldt vnd  
Tideman(n) langebeke vorbenompt solk vorgeschreuen vnd vorsettet puwczkerampt / der stat danczik  
endtreten vnd genczlik oüergeuē bekennende van dem werdigen rade dersüluen stat danczik voll /  
kômlick vnd all vnsze vthgelechte geldt empfangen hebben to genczlicker vnd volkômender genôge  
Darumb von / herman Stargardt Dirck oldefeldt vnd Tideman langebeke gelaüē nach durch vns vnsze  
erffnamen effte / süst fründ effte fremde geistlicken effte wertlicken sülk geldt nicht tomanen effte to  
forderen jn allen tokamen-/den tiden genczlik vns des puwtczkeramptes vakegenompt vortugende vnd  
der vakemelden stat danczk / öüergeuēde das to warem getũchnisse vnd fũderem gedechtnisse hebben  
wie herman Stargardt dirck / oldefeldt vnde Tideman(n) langebeke velegenompt vnsze jngesegelle  
persônlick mit gudem weten vnd willen / angedrucket dissem breffe de geschreuen is vnd gegeuen to  
danczk Nah cristi gebordt duwsentveerhundirt / vnd darnah jm sôszvndfüfftigsten Jar des mandages to  
ostern